

2021
AÑA DI RECUPERACION

2021

ISLA(•)NLINE

Diaranson 3 February 2021

Email: IslaOnline@gobierno.aw Tel: 528-4900

2021

AÑA DI RECUPERACION

ISLA ONLINE
NOTICIA DI GOBIERNO



GOBIERNO DI ARUBA



Prome Minister Evelyn Wever-Croes:
Agenda di Ehecucion como paso nobo den e cooperacion
entre Hulanda y Aruba

SPLICACION VIA UN REUNION CU LO
WORDO HACI PUBLICO DI LANDSPAKKET Y
E AGENDA DI EHECUCION:
Diaranson 3 di februari pa 3or di atardi

Negosacionnan entre Aruba y Hulanda ta continua pa loke ta trata e condicionnan pa Aruba bin na remarca pa haya prestamo pa cubri gastonan di Gobierno. Aña pasa, debi na e pandemia di Covid, Gobierno a perde 40% di entrada y no ta den posicion pa cubri e gastonan su so. Por lo tanto, Gobierno mester a busca ayudo, asina Prome Minister Evelyn Wever-Croes a informa.

Unico ayudo cu Aruba a haya ta di Hulanda. E ayudo aki a bin mara na condicionnan. Gobierno di Aruba a negocia hopi luna pa asina suavisa e condicionnan cu Hulanda a impone. Esaki ta e motibo tambe cu Gobierno no a firma di biaha na momento cu Hulanda a presenta e condicionnan y a tuma tur tempo pa negocia y suavisa e condicionnan apesar cu entre otro sindicato di Polis y algun gremio comercial a pidi Gobierno pa firma di biaha.

Dia 13 di november 2020, Gobierno di Aruba y Hulanda a yega na un acuerdo. E condicionnan pa loke ta trata e Landspakket ta conoci y a wordo publica. Desde 13 di november pa 1 di februari a wordo negocia riba e 'timeline' di ehucion di e diferente condicionnan cu a conduci den un "Uitvoerings Agenda", un Agenda di Ehecucion cu a wordo firma dialuna.

Siman pasa diabierna Prome Minister a elabora ampliamente riba e Agenda di Ehecucion den un cumbre cu sindicatonan di sector publico, sector semi-publico y sector priva y mediator di Gobierno y tambe den conferencia di prensa dialuna 1 di februari.

Diamars 2 di februari Gobierno a ricibi e Agenda di Ehecucion y a manda esaki pa Parlamento y wordo publica pa henter Aruba por mira cua ta e condicionnan.

Prome Minister a indica cu e pakete ta uno bastante elabora na unda cu constantemente un ekipo grandi ta traha riba dje. E enfasis riba tur e areanan ta pa den e siguiente lunanan investiga y haci estudio y doorlichting. Ta trata temanan di finanzas, economia, impuesto, gastonan di sector publico, especialmente salario di trahadonan publico, reformanan di economia, labor, cuido di salud, enseñansa y husticia. Por conclui cu e enfasis ta pa investiga con e ta na Aruba y compara cu Corsou y Sint Martin y a base di e conclusionnan lo haci cambianan unda cu ta necesario.

E concentracion pa e dianan nos dilanti ta riba e estudionan cu ta wordo haci. Ainda no tin ningun decision riba mesa. Y den e cuadro aki, Prome Minister a indica na tur sindicato cu nan lo wordo involvi ora ta toca nan area prome cu desicionnan wordo tuma.

Parlamento a pidi Gobierno pa splica tur loke ta trata e Landspakket y e Agenda di Ehecucion. Diaranson atardi pa 3or, e splicacion aki ta tuma luga via un reunion publico den Parlamento. Tur minister lo splica kico ta toca nan Ministerio den e Agenda di Ehecucion Gobierno ta invita pueblo di Aruba pa sigui e reunion aki pa sa kico e Landspakket y e Agenda di Ehecucion ta encera.

Prome Minister Evelyn Wever-Croes: Minister-President den reunion cu Parlamento di Aruba tocante Landspakket **CU E AGENDA DI EHECUCION AKI NOS TA BAY RECONSTRUI NOS PAIS**

Diamars atardi Prome Minister Evelyn Wever-Croes tawata den Parlamento pa duna informacion tocante e acuerdo firma cu Hulanda e siman aki. Prome Minister a elabora ampliamente riba e Agenda di ehecucion y na final el a laga un bunita mensahe pa pueblo di Aruba: Cu respet, madures y dedicacion nos lo logra surpasa e retonan aki y transforma nos pais

Proceso di uitvoeringsagenda:

E uitvoeringsagenda (agenda di ehecucion) ta e resultado di un proceso intensivo durante cua pais Aruba y Hulanda a yega na un acuerdo pa sosten di likides a base di e Landspakket firma 13 di november 2020. Despues di e periodo aki tanto Hulanda como Aruba a apunta un asina yama 'Tijdelijke Werkorganisatie' (TWO) pa fungi como procesbewaker y pa percura cu e trabounan preliminarario tuma luga den bon forma.

Di banda di Aruba por indica cu a apunta asina yama 'trekker' cu ta profesional den sector publico cu expertisio specifico relaciona cu e tema di e Landspakket. Asina TWO-AUA, profesional local y e ministernan ta forma e ecosistema di maneho di e Landspakket pa Aruba.

Por indica cu e intencion ta pa cada kwartaal crea un agenda di ehecucion cu ta sigui e agenda di ehecucion anterior den forma coherente y cronologico. Pa asina tin un acercamento integral

E prome agenda di ehecucion aki tabata resultado di varios sesion intensivo cu varios experto y profesional di diferente sector durante e prome luna di e aña aki.

Adicionalmente, por bisa, cu banda di e plan di ehecucion aki ya caba Pais Aruba a cumpli cu varios palabracion haci, hasta prome cu e deadline stipula.

E agenda di ehecucion ta un documento dinamico cual e version aki, a keda oficialisa durante reunion cu secretario di estado señor Knops, dialuna pasa. Tabata un proceso encamina conhuntamente, durante cua e ekipo di ambos pais a delibera estrechamente cu otro.

E agenda di ehecucion ta rekeri esfuerso maximo di tur esnan involvi mirando cu hopi biaha Aruba no tin e capacidad extenso di personal ni recurso cu Hulanda tin. Varios biaha ta e mesun profesionalnan ta encarga cu diferente tarea importante. E punto aki nos ta, y lo keda enfatisa cerca Hulanda.

MINISTERIO DI ASUNTONAN GENERAL:

Pa locual ta e ministerionan cu ta cay bou di Prome Minister, e mandatario principal di nos pais a indica cu sigur tin trabou

grandi pa haci. Asina, tin algun tarea clave stipula pa e.o. DRH relaciona cu condicion di trabou y transforma e sistema di HR di gobierno den uno adecuado pa futuro. Aki lo enfoca e.o. tanto riba prestacion y motivacion di empleado, condicion di trabou, como eficiencia den e sistema. Asina, ta baha gasto como tambe crea un aparato resiliente. Esencial den esaki tambe ta e tema di digitalisacion. Pa locual ta e aspecto aki, ya Pais Aruba a tuma paso grandi den forma di E-government. Esencial den e trayectonan menciona ta cu e agenda di ehecucion ta e prome paso pa trata e diferente temanan. Asina lo haci analisis y tene consulta necesario prome cu por yega na tuma decision balansa. Aruba semper lo keda enfatisa esaki. Si ta asina cu e palabracionnan haci ta serio y solamente cu madures, union y esfuerso nos por logra.

Algun di e prome fechanan relevante pa cu trabounan cu tin cu tuma luga ta:

- entrega plan di accion pa analisa sistema di HR di sector publico y asina bin cu mehoracion di esaki 5 di februari 2021 (B8)
- entrega plan di accion pa analisa condicion di trabou pa medio di experto externo sosteni door di experto interno den sector publico y semi publico 1 di maart 2021 (B5)
- Crea un plan di accion 15 di maart 2021 pa un analisis di eficiencia organisatorio di aparato gubernamental (B4)
- Analisa prestacion di personal actual di sector publico 1 di mei 2021 (B6)

MASTERPLAN REPOSICIONANDO RUMBO DI NOS PAIS

E landspakket ta toca varios tema cu lo por conduci na un Aruba resiliente door di stimula cierto desaroyo y baha gasto. Sinembargo tin algun tema cardinal pa nos pais cu ta rekeri mas elaboracion. Esaki ta por ehempel; stimula un desaroyo economico nobo, medio ambiente y laga nos no lubida e realidad di cambio di clima.

E temanan aki si ta wordo trata mas elaboradamente den e Master Plan Reposicionando e Rumbo di nos Pais, cu ta e plan na cua mas di 250 profesional di sector publico y priva a traha. Pa e motibo aki a haci esfuerso pa alinea e dos plan y trayectonan aki pa asina Aruba por percura pa yega na un miho resultado pa nos Isla.

"Mi kier enfatisa cu e periodo nos dilanti no ta bay ta facil y sigur lo tin hopi reto, sinembargo cu respet, madures y dedicacion nos lo logra surpasa e retonan aki y transforma nos pais", Prome Minister a finalisa bisando den su disertacion den reunion den Parlamento.

Prome Minister Evelyn Wever-Croes: BISHITA DI PROME MINISTER NA CACIQUE ATERIMA

Proyecto Piloto ta duna resultado positivo den innovacion y enseñansa

Diamars 2 di februari Prome Minister Evelyn Wever-Croes compaña pa Parlamentario Edgard Vrolijk a bishita Scol Preparatorio Aterima pa mira e avancen den innovacion, y pa haya un bista con e muchanan ta hayando les na un manera mas interactivo.


A traves di Futura, y den colaboracion cu SKOA y otro stakeholdersnan den enseñansa, den 2019 a diseña un Proyecto Piloto den educacion unda cu a inverti den entre otro eBoards pa klaslokaalnan na Cacique Macuarima Basisschool y tambe Scol Preparatorio Aterima. E resultadonan te cu awo ta sumamente positivo y door di e exito actualmente ta invertiendo den un di dos Proyecto Piloto pa sigui evalua e resultadonan, innova, y haci e experiencia di e muchanan na scol uno mas interactivo.

Den su recorrido na e scol, Premier Wever - Croes por a mira e borchinan C-touch den e klasnan y tambe con e maestronan ta duna les a traves di e borchin. Y a keda sumamente impresionado y emociona pa mira muchanan ta haya les den e forma aki. Nan tin hopi mas atencion, nan ta hopi mas involvi cu e lesnan y e maestronan tambe cu a haci tur di nan parti pa nan por domina con pa traha cu e borchin y saca lo mihor di dje pa e alumnonan.

Maritza Carion - Cabesante Scol Preparatorio Cacique Aterima a expresa di ta hopi contento cu e proyecto di FUTURA, cual ta un paso grandi pa innovacion di e scol. E muchanan awor por traha for di e pantayanan cu ta touchscreen, y e maestronan ta desaroya diferente les y actividad den klas unda cu muchanan por haci les cu e C-touch. Den futuro lo desea pa tin tablets cu por conecta na e see-touch pa e mucha por haci uzo di dje den e forma aki tambe.

Sra. Carrion a informa Prome Minister di un aspecto sumamente positivo di e proyecto cual ta, cu muchanan chikito ya caba ta prepara pa e avansen digital. Pero tambe e gastonan cu tin ora di traha poster, print, lamina y uza 'kopieermachine', tur ta baha door di haci uzo di digitalisacion. Pues un inversion cu ta wak e beneficio riba diferente aspecto.

Por ultimo, Premier Wever - Croes a bisa: 'Ta spera cu a traves di e desaroyo aki ta creando un fundeshi pa nos muchanan a traves di innovacion, pa nan por yega mas leu den enseñansa. Mi ta hopi agradecido na tur esnan cu a haci e proyecto posibel y un palabra di aprecio y danki na e maestronan y cabesante di Cacique Aterima pa e bunita trabou cu nan ta haci'.



Continuacion BISHITA DI PROME MINISTER NA CACIQUE ATERIMA....





Minister Xiomara Maduro ta informa:

E AGENDA DI EHECUCION DI E 'LANDSPAKKET' PA REFORMA FINANCIERO Y ECONOMICO PA E PROMER KWARTAAL DI 2021 TA CONOCI

***Trabounan ta cuminsa pa reforma den maneho financiero,
impuesto, sector financiero y reforma economico***

Pa ricibi e yudansa financiero for di Hulanda, Aruba mester cumpli cu algun condicion cu ta poni den e landspakket cu a keda acorda cu Hulanda dia 13 di november 2020. Dia 1 di februari 2021 e agenda di e trabounan necesario pa por cumpli cu e condicionnan pa e promer kwartaal di 2021 a bira conoci. E agenda ta contene informacion riba e temanan di maneho financiero, costo y efectividad di sector publico, impuesto, sector financiero, reforma economico, cuida, enseñansa y reinfuerso di estado di derecho. E agenda di ehecucion di e temanan cu ta trata finansa y economia den e promer kwartaal ta lo siguiente.

MANEHO FINANCIERO

Lo investiga con pa reinforsa e control financiero na nos Pais door di Colegionan Halto di Estado manera Controlaria General y Consejo di Estado, y tambe di Auditoria General. Esaki lo mester ta cla pa 1 di maart 2021. Lo scrutina e maneho di subsidio pa saca afor locual no ta bayendo bon. Esaki tin un deadline di 15 di april 2021. Lo bin cu sugerencia con pa haci e compra di servicio y producto door di Gobierno mas eficiente y eficaz. E rapport aki lo mester ta cla dia 15 di april 2021.

IMPUESTO


Riba e tereno fiscal lo bay traha un plan pa investiga cua sistema di impuesto indirecto lo surti Aruba, si ta un btw of abb. E plan aki lo mester ta cla 1 di maart 2021. DIMP lo mester haya informacion di e sector bancario y lo mester traha un plan con e banconan, notarionan, svb y fondo di pensioen por logra haya informacion bancario tambe. E plan aki mester ta cla 16

di maart 2021.

Lo traha un plan tambe con pa haci DIMP su trabou mas optimal pa asina por facilita e cobranza di impuesto. Lo sera un Acuerdo di Impuesto entre Hulanda, Corsou y Sint Maarten pa asina evita evasion di impuesto den Reino. Esaki lo mester ta cla pa 1 di maart 2021 pa asina keda trata 1 di juli 2021 den Consejo di Minister di Reino.

SECTOR FINANCIERO

Un 'quick scan' lo wordo haci di e sector financiero y e control riba e sector aki door di IMF su Article IV mission y a base di e resultado lo sigui un plan cu pasonan pa posibel mehoracion. E rapport lo mester ta cla na april of mei 2021. E investigacion pa dollarisacion no lo wordo haci awor, pero te despues di aña 2022. Lo traha tambe riba un agenda di e leyman cu mester wordo introduci of adapta. Lo cuminsa cu e depositoregeling y e leyman pa combati labamento di placa y financiamiento di terrorismo debi cu e aña aki Aruba ta wordo evalua pa CFATF. Un agenda detaya mester ta cla 1 di maart 2021. Pa e otro leyman mester bin un agenda promer cu 1 di juli 2021.



**Landspakket
Aruba**

Continuacion E AGENDA DI EHECUCION DI E 'LANDSPAKKET'....



REFORMA ECONOMICO

E enfoke di e reforma economico ta dirigi na reduci 'red tape.' Lo repasa e sistema di permiso pa negoshi y e leyman concerni y a base di e resultado lo traha un rapport di investigacion pa e pasonan necesario pa baha costo pa haci negoshi y bureacracia. Esaki lo mester ta dia 15 di maart 2021. Bou di e reforma economico tambe lo trata otro topiconan cu ta afecta economia manera economia informal, analisis di e mercado laboral, trabou ilegal, sistema social pagabel y maneho di tereno.

RESULTADO DI INVESTIGACION LO ADAPTA E AGENDA

Pa awor aki hopi di e trabounan pa por cumpli cu e condicionnan pa haya fianza di Hulanda lo ta investigacion cu mester wordo haci pa asina haya un bista completo di e situacion na Aruba. A base di e resultado di e investigacion lo adapta e agenda y lo indica ki decision specifico lo mester wordo tuma pa haci e trabounan necesario pa logra e reformanan desea.

Landspakket Aruba

Uitvoeringsagenda 1 februari – 1 april 2021



Caribisch Orgaan voor Hervormingen
Ontwikkeling i.o.





E IMPORTANCIA DI EDUCACION NA UN NIVEL ADECUA TA UN META COMUN DI ARUBA Y HULANDA

Un di e palabracionan den cuadro di ayudo financiero (Landspakket) entre Aruba y Hulanda ta pa haci un doorlichting di nos sistema di enseñansa. Ministerio di Educacion, Ciencia y Desaroyo Sostenibel a bay di acuerdo cu e palabracion aki y tambe ta dunando full cooperacion pa logra un resultado cu lo tin beneficio pa sigui desaroya, fortifica y mas cu claro tambe innova e sistema di educacion di Aruba.

MOTIBO PA INCLUI UN PALABRACION ENCUANTO ENSEÑANSA DEN LANDSPAKKET

E importancia di educacion na un nivel adecua ta un meta comun di Aruba y Hulanda. Den e Landspakket ta indica cu tin indicacion cu tin varios faceta di enseñansa na Aruba cu no ta cana bon. Ta wordo menciona entre otro: nivel di maneho di scolnan cu no ta consistente, un falta di coxcion entre sector laboral y enseñansa, falta di metodonan di educacion moderno y tiki espacio den e presupuesto pa haci reformanan y/of innovacion posibel.

Metanan a largo plaso di e doorlichting:

1. pa realisa un nivel adecua (basiskwaliteit) di educacion na Aruba;
2. pa realisa un connexion solido entre e sector priva/laboral y e sistema di educacion;
3. pa percura cu lo por sigui enseñansa avansa den diferente sistema di educacion (entre otro na Hulanda)

INSTRUMENTO

E instrumento cu lo wordo usa pa e doorlichting ta un investigacion riba nivel macro di nos sistema di enseñansa. A wordo palabra cu e investigacion lo concentra riba e sistema di maneho den enseñansa 'governance' y tambe riba calidad di e sistema. E investigacion lo mester start na maart 2021.

CUA INSTANCIANAN TA WORDO INVESTIGA?

Como cu ta un investigacion riba nivel macro e ta inclui tur



stakeholders cu ta parti di e sistema di enseñansa. Den e prome fase di investigacion lo concentra primeramente riba investigacionan existente y di cua e resultadonan a wordo valida pa expertonan na Aruba. Aki ta referi na investigacionan di entre otro e temanan manera: proceso di subsidio, contenido di maneho, control y supervision, idioma den enseñansa, resultado di studiantenan na Aruba y den exterior, y tambe calidad di enseñansa en general.

KEN TA HACI E INVESTIGACION?

E team cu lo ta encarga cu investigacion lo ta, segun palabracionnan, un team cu tin persona di Aruba y otro paisnan den Reino como miembro.

KICO TA SPERA DI E RESULTADONAN?

E resultadonan mester duna bista riba e direccion cu nos enseñansa mester bay den e proximo decadanan teniendo cuenta cu loke ta sostenibel y financiabel dor di Pais Aruba. E impacto di e sistema di Enseñansa riba nos sociedad no por wordo mira di biaha, pesey ta papia di inversion den enseñansa. Pa e motibo aki mes no por prepara hobenan pa loke nos conoce awor como sociedad pero pa loke e sociedad lo bira den futuro.

Continuacion E IMPORTANCIA DI EDUCACION NA UN NIVEL ADECUA....**Thema G: Onderwijs****Doel**

- het realiseren van een basiskwaliteit van onderwijs;
- realiseren van een goede aansluiting tussen onderwijs en arbeidsmarkt;
- het realiseren van goede doorstroom tussen stelsels van onderwijs (al dan niet in Europees Nederland).

Nummer	Thema	Subthema	Doelstelling	Maat	Land	Verderstappen volgen uit doorlichting	
G.1	<p>Een expertiegroep uit de vier landen / groep onderwijsexperts uit de vier landen voert een doorlichting uit van het gehele onderwijsstelsel, met inbegrip van alle publieke en particuliere betrokken partijen, inclusief de overheid. Hierbij komen in ieder geval aan de orde:</p> <ul style="list-style-type: none">- onderwijskwaliteit, lesmethoden en -middelen;- aansluiting tussen onderwijs en arbeidsmarkt;- doorstromen tussen ko. vo. vo en mbo/ho/wv (al dan niet in Europees Nederland);- doelmatigheid en doeltreffendheid van de onderwijsbekostiging, met name van investeringen in het systeem;- verspreiden van de kwaliteitsverbetering door effectief toezicht door weder andere de inspecties;- samenwerking onderwijs- en ontwikkelingsinstellingen in de regio (en eventueel Europees Nederland). <p>Hierbij worden in elk geval de onderwijsinspecties van de vier landen betrokken.</p> <p>Op basis van de uitkomsten van de doorlichting worden de behoeften onderzocht en gecoördineerd.</p>	G.1.1	Uitvoeren doorlichting op basis van vastgesteld plan van aanpak.	Sluit doorlichting	Maart 2021	Andra + Nederland	Verderstappen volgen uit doorlichting.



MINISTERIO DI TURISMO,
SALUBRIDAD PUBLICA
Y DEPORTE

LOKE BO MESTER *Sa*

di e vacuna contra Covid-19

MITO

X Ami ta jong y saludabel, mi no mester vacuna!

REALIDAD


✓ Bo no sa con bo curpa lo reacciona na Covid-19. Algun hende ta desaroya sintomanan leve, pero, tambe tin hende di tur edad y condicion cu a muri di Covid. P'esey ta miho pa proteha bo mes. Mas persona wordo vacuna, lo tin menos caso di hende grave na hospital y menos riesgo di plamamento di Covid-19 den nos comunidad. Bo hubentud y salud ta yuda bo, pero no ta un garantia absoluto.

SI, vacuna!





VACUNA
PA NOS POR
progrresa



Minister Dangui Oduber: E PROCESO DI DESTAHO PUBLICO PA CULTIVACION Y PROCESAMIENTO DI CANNABIS CU PROPOSITO MEDICINAL TA TERMINA 16 FEBRUARI 2021



Minister di Salubridad Publico Sr. Dangui Oduber a anuncia recientemente cu dia 22 di januari e proceso di destaho publico ta cuminsa pa otorgacion di permisonan na negoshinan (local y internacional). Esaki ta pa tur negoshinan cu ta interesa pa cultiva y/of procesa cannabis cu e proposito final pa yega

na un producto medicinal. Esaki ta bay ta un proceso serio y transparente cu ta cumpli cu tratadonan internacional y teglanan di bon gobernacion, asina e mandatario a duna di conoce.

E mandatario a menciona cu na momento cu cannabis medicinal a bira parti di e acuerdo di gobernacion na aña 2017. Mesora a cuminsa explora e posibilidanan pa legalisa e uzo di cannabis medicinal y tambe e parti di cultiva y procesa. Prome cu a yega na e parti di otorga permiso pa haci pa cultivacion di cannabis Gobierno a haci un estudio di kiko e industria aki lo porifica pa e economia di Aruba. Kiko e industria aki lo por crea na cuponan di trabou y tambe entradanan pa Gobierno. E industria di cannabis ta algo nobo ainda na mundo, un estudio na aña 2018 a mostra cu na aña 2018 e industria di cannabis medicinal a produci 12.5 biyon dollar mundialmente y pa aña 2024 esaki lo bira 63 biyon dollar pa aña segun pronosticonan. E mandatario a expresa cu Aruba ta un di e poco paisnan na mundo y den caribe cu tin un vision progresivo pa cu cannabis medicinal.

Finalmente minister Oduber ta informa cu e registracion pa participa na e destaho ta cana dia 16 februari 2021. E gruponan cu tin interes ainda tin 2 siman pa registra y participa den e proceso aki.

MINISTERIO DI TURISMO,
SALUBRIDAD PUBLICO
Y DEPORTE



JOIN E MOVECION Y SEA PARTI DI E *Solucion*

Ami **SI** *ta vacuna!*



RONELLA CROES

CEO Aruba Tourism Authority

Grupo Adulto



VACUNA
PA NOS POR
progresar

LAUNCH DISTRICT 297

E siman aki, día prome di Februari, a a oficialmente lansa un website nobo di District297 (www.district297.com). District297 ta un plataforma crea y inspira door di Futura, pa Arubianonan rond di mundo por conecta cu otro y tambe explora oportunidadnan profesional cu Aruba tin pa ofrese.

District297 a wordo lansa na 2018 cu e vision pa atrae y retene talento Arubiano y asina yuda combati e fenomeno di 'Brain Drain'. E meta ta pa engrandece e capacidad innovativo di Aruba. Awe na 2021, District297 a crece den un Plataforma valioso pa comparti y desaroya conocimiento. Tin mas di 120 hende, mayoria den exterior, cu a 'Pledge' pa yuda Aruba, y tambe district297 ta basta activo y ta conecta cu Arubianonan rond di mundo ariba medionan social, y tambe te cu awo tin mas cu 20 evento cu a wordo organisa hunto cu colaboradonan na diferente pais y tambe online via webinars.

Tambe District297 a yuda hasi connecionnan entre Arubianonan den exterior y proyectonan di innovacion tuando luga na Aruba. Un ehempel ta e proyecto di 100 Innovations unda cu Arubianonan den exterior cu cierto experticio a yuda 'mentor' participantenan na Aruba.

Prome minister di Aruba a expresa cu e ta hopi contento pa anuncia e lansamento di website interactivo nobo di District297 cu ohala por crea un chispa, y sende e candela pa mas prosperidad economico cu Aruba tin mester.

E Plataforma nobo aki ta un luga cu ta ofrese Arubianonan den exterior, e posibilidad pa por conecta cu otro Arubianonan,

compianan y institucionan local. E connecion aki ta wordo hasi posibel na momento cu e personanan aki registra y traha nan 'profile' cu nan CV. A base di nan CV nan por conecta cu otro usuario y miembronan ariba e Plataforma.

Companianan y institucionan tambe por registra, y agrega vacatura y 'Job Openings' of oportunidadnan pa core 'stage' y asina e miembronan di e Plataforma por aplica pa e puesto y oportunidadnan aki. Companian tambe por conecta cu miembronan cu ta registra a base di nan CV y resumen profesional.

Ademas di esaki, e Plataforma tin un "Forum" y "Ideas Board" unda tur hende ta invita pa intercambia ideanan y asina incentiva colaboracionan riba diferente area.

Futura kier invita un y tur, pero especialmente nos Arubianonan den exterior, pa registra y bira miembro di e comunidad di District297. Sin lubida tambe companianan y institucionan local, pa conhuntamente hasi e proceso di busca trabou na Aruba mas facil pa nos Arubianonan den exterior door di registra y agrega mesora boso vacatura y puestonan ariba e website.

Subi ariba www.district297.com y registra awe mes. Pa mas informacion por manda un email na: info@District297.com of conecta cu e plataforma riba medionan social di District297.

Ban hunto yuda combati e fenomeno di 'Brain Drain' y trece mas conocimiento na Aruba door di conecta hendenan, ideanan, oportunidadnan y trece nos talentonan bek na cas.

The graphic features a dark blue background with a teal star at the bottom left. On the left, the District297 logo (an eye with a star) is above the text "DISTRICT297". Below this, it says "Our NEW website is officially Online!" in white and teal script. A button with the URL "www.district297.com" and a hand cursor icon is shown. On the right, a laptop displays the website interface, which includes a man speaking and the tagline "Connecting People Ideas and Opportunities". A social media handle "@District_297" is in the top right corner. At the bottom right, it says "Brought to you by: FUTURA" with a series of white chevrons pointing upwards.


Departamento di Salud Publico:

UPDATE 3 DI FEBRUARY 2021

Segun resumen di awe 33 persona a recupera, a registra un total di 55 caso nobo di Covid-19, di cual 3 ta no residente. Cantidad total di testnan ehecuta ayera na e diferente localidadnan na Aruba, entre otro laboratorio di hospital, laboratorionan priva y aeropuerto ta 589 test. 'Postivity rate' entre nos residentenan ta 13%.

Activo tin awe 341 caso, cantidad di fayecido relaciona cu Covid-19 ta aumenta na 61, di cual 60 ta residente y 1 ta un no-residente. Forsa na famia di e fayecidonan.

Hospital ta informa cu tin un total di 20 persona interna di cual 9 ta den Cuido Intensivo y 11 riba unidad general di covid. Edad promedio di esnan ingresa pa extra cuido ta 64 aña.

 ARUBA COVID-19			
3/2/2021	TOTAL	RESIDENTE	NO-RESIDENTE
Casonan Nobo	55	52	3
Activo	341	321	20
Recupera	6681	6411	270
Positivo	7083	6792	291
Negativo	80185	-	-
Getest	87354	-	-
Getest na Airport	53398	-	-
Morto	61	60	1





GOBIERNO DI ARUBA

UN
Feliz Dia

ISLAONLINE
PA INFORMACION
CORECTO Y BERDAD